

## LA PAUSICION DE CALANDRETA SUS LA RELANÇA DE « ANEM ÒC »

Calandreta a sempre seguida la dralha de l'unitat per permetre e favorisar l'accion comuna del moviment occitan. O mostrèt bravament per que se pòsca faire e capitar la manifestacion de Tolosa, organizada per la « Coordinacion per la lenga Occitana ». La « Coordinacion Anem Òc » s'èra ela ensomelhada a la demanda d'unas partenaris, e èra normal que i avià desacòrds sus l'accion de menar.

A la seguida de la demanda de reactivacion d' Anem Òc prepausada a la tota fin de 2012, la Confederacion Calandreta faguèt passar una proposicion d'una « Pacha de Convivencia e d' Espaniment » coma basa de la coordinacion Anem Òc. Aquesta proposicion facha lo 18 de genièr de 2013 èra aital formulada.

**Las partidas de la Coordinacion Anem Òc declaran que desiran que caduna de las autras partidas o compausantas s'espandiga e venga mai bèla e fòrta.**

**Per l'avenidor de la lenga e de la cultura d'òc-occitana avèm besonh de mai de Felibrige, d'IEO, d'Òc-Bi, de Felco, de Calandreta.**

**Las partidas s'acòrdan per donar, au mens, un sosten moral als projèctes de las autras compausantas de la Coordinacion Anem Òc.**

**Los operators occitans son plan febles. Avèm besonh de los veire grandir e pujar totes.**

Aquesta pausicion de Calandreta venià aprèp una reflexion dins l'encastre dau Burèu Confederau. Es estada confirmada d'en primièr au Conselh Confederau e encara darnièrament a l'AG Confederala del 25 de mai.

La basa d'una coordinacion es evidentament una ententa per faire avançar lo moviment e totes sas compausantas.

Prepausam un minimum de sosten morau a las accions que menan los « coordinats », sosten que se compren d'aise per tot çò que vai dins l'objecte sociu de las associacions.

Es un biais positiu de dire que las associacions coordinadas menan pas d'accions contra las dels autres. Es plan un minimum per trabalhar amassa.

Per ara lo Felibrige e Òc-Bi an donnat un acòrd de principi o formal per aquest minimum.

Esperam una resposta positiva das autras associacions.

Sens una pacha de convivencia Calandreta refusarà qu'Anem Òc se torne lançar.

De mai denegam tota representativitat per Calandreta per tota mena de recampament o collectiu a una associacion qu'aurà pas passat amb nautres un acòrdi de civilitat coma lo que prepausam dempuèi lo 18 de genièr de 2013.

Sul mandat de l'AG Confederala, lo Burèu de la Confederacion Calandreta